



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-188-9/24**

Datum: **27.06.2024. godine**

«Agencija za vodno područje rijeke Save» Sarajevo rješavajući po službenom zahtjevu Ministarstva poljoprivrede, šumarstva i vodoprivrede Tuzlanskog kantona dostavljenom na nadležno rješavanje po zahtjevu Grada Lukavac za donošenje rješenja o prethodnoj vodnoj saglasnosti za zahvatanje vode za potrebe postrojenja i ispuštanje tehnoloških otpadnih voda u prirodni recipijent iz postrojenja za pripremu sirove i tretman pitke vode za potrebe centralnog vodovodnog sistema Lukavac a u postupku pribavljanja urbanističke saglasnosti, a na osnovu člana 109. stav (1) tačka 1. i 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Gradu Lukavac za zahvatanje vode za potrebe postrojenja i ispuštanje tehnoloških otpadnih voda u prirodni recipijent iz postrojenja za pripremu sirove i tretman pitke vode za potrebe centralnog vodovodnog sistema Lukavac planiranog na zemljištu označenom kao k.č. broj: 39, 40, 41, 42, 43 i 1303/1 K.O. Bokavići, grad Lukavac a u postupku pribavljanja urbanističke saglasnosti i okolinske dozvole ukoliko je za predmetni objekat i aktivnost potrebna okolinska dozvola.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za ispuštanje sanitarno fekalnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačka 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana Zakona.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 3.1. Da je planirana aktivnost usklađena sa važećom prostorno-planskom dokumentacijom i razvojnim planovima Grada Lukavac.
 - 3.2. Da se u okviru projektnog rješenja primjene tehničko-tehnološke mjere kojima će se spriječiti kontaminacija vode, tla i zraka.
 - 3.3. Izraditi investiciono tehničku dokumentaciju potrebnu za pribavljanje vodne saglasnosti za zahvatanje vode u količini od 120 l/s za potrebe postrojenja i za ispuštanje tehnoloških otpadnih voda koje će nastati kao posljedica provođenja aktivnosti pripreme sirove i tretman pitke vode u postrojenju koji se planira izgraditi za potrebe centralnog vodovodnog sistema Lukavac.
 - 3.4. Investiciono-tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata koja su bitna za konkretan slučaj, a naročito:
 - na osnovu proračuna količina vode potrebne za rad predmetnog postrojenja, obraditi tehničko rješenje snabdijevanja vodom, način zahvata vode, dovodenja vode do postrojenja i mjerenja količina utrošene vode, sa svim potrebnim hidrauličkim proračunima, grafičkim priložima i tehničkim opisom;
 - kompletan proračun kvantitativnih i kvalitativnih karakteristika tehnoloških i ostalih otpadnih voda koje nastaju na lokaciji predmetnog postrojenja sa relevantnim parametrima potrebnim za projektovanje sistema za prikupljanje, odvodnju i tretman istih prije ispusta u krajnji recipijent;
 - tehničko rješenje sistema za prikupljanje, odvodnju i prečišćavanje tehnoloških otpadnih voda nastalih radom postrojenja za pripremu pitke vode (pranjem filtera, odmuljivanjem taložnika, pri remontu postrojenja i sl.), sa svim potrebnim proračunima i tehničkim

- tehničko rješenje sistema za prikupljanje i prečišćavanje oborinskih onečišćenih voda sa platoa, radnih površina kao i zauljenih voda sa internih saobraćajnih, parking i manipulativnih površina sa načinom i mjestom ispuštanja prečišćenih voda u utvrđeni recipijent;
 - tehničko rješenje zbrinjavanja mulja iz postrojenja za tretman vode;
 - usvojenim sistemom prečišćavanja tehnoloških otpadnih voda mora se obezbjediti da prečišćene otpadne vode, prije ispuštanja u krajnji recipijent zadovolje granične vrijednosti emisija otpadnih voda definisane članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20);
 - U cilju onemogućavanja ili smanjenja štetnih posljedica velikih voda rijeke Spreče ranga pojave 1/100 na predmetne parcele, projektnom dokumentacijom dati analizu predmetne dionice vodotoka te dati osvrt i definisati dinamiku realizacije projekta uređenja korita rijeke Spreče na predmetnom lokalitetu (u potrebnoj dužini), kao prethodne mjere za realizaciju izgradnje postrojenja za pripremu sirove i tretman pitke vode.
Realizacijom radova po projektu „Glavni projekat uređenja korita rijeke Spreče od ušća Jale do granice zemljišta JP Spreča krug brane jezera Modrac, općina Lukavac urađenim od strane «IBIS» d.o.o. Zavidovići, septembar 2016. godine, (u potrebnoj dužini) na predmetnim zemljišnim česticama prestaju zabrane propisane članom 96. stav (1) tačka 16. Zakona o vodama čime će se steći uslovi za izdavanje vodne saglasnosti i nastavak aktivnosti na realizaciji projekta postrojenja. Za uređenje korita rijeke Spreče uzvodno od ušća Jale, po navedenom projektu, Investitor je dužan pribaviti vodne akte za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona.
 - u cilju praćenja kvaliteta ispuštene prečišćene otpadne vode, potrebno je da se na odvodnom cjevovodu a prije ispusta u recipijent predvidi izgradnja okna za monitoring;
 - dati osnovne podatke o recipijentu, sa detaljem ispusta prečišćenih voda u isti. Lokalitet ispusta prečišćenih voda mora biti naznačen na situaciji adekvatne razmjere, kao i mjesto vršenja monitoringa prečišćenih voda (okno za uzimanje uzoraka);
 - sagledati sve moguće neželjene uticaje planiranih radova na izgradnji predmetnog postrojenja na režim površinskih i podzemnih voda, postojeću infrastrukturu, druge objekte i postrojenja, stečena prava korisnika, naselja i slično, te dati prijedlog mjera za sprečavanje tih uticaja.
- 3.5. Projektnom dokumentacijom otkloniti mogućnost privremenog i trajnog odlaganja opasnog otpada uz vodotoke, u području izvorišta vode za piće i sl.
 - 3.6. Projektnom dokumentacijom definisati da se opasni materijal i otpad, kako u toku izvođenja radova tako i u toku rada predmetnog postrojenja nakon izgradnje ne smije ni privremeno odlagati na česticu «vodno dobro», odnosno u vodotok i na njegove obale.
 - 3.7. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva.
 - 3.8. Investiciono tehnička dokumentacija mora biti urađena na nivou glavnog projekta potrebnog za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i okolinske dozvole i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
 5. Po izradi i reviziji investiciono-tehničke dokumentacije u skladu sa uslovima iz tačke 3. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 6.1. Revidovana Investiciono-tehnička dokumentacija urađena na nivou glavnog projekta i u

- 6.2. Rješenje o urbanističkoj saglasnosti
6.3. Rješenje o okolinskoj dozvoli ili potvrda nadležnog organa da ista nije potrebna
6.4. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo poljoprivrede, šumarstva i vodoprivrede Tuzlanskog kantona dana 09.04.2024. godine dostavilo je «Agenciji za vodno područje rijeke Save» Sarajevo na nadležno rješavanje zahtjev Grada Lukavac za donošenje rješenja o prethodnoj vodnoj saglasnosti za izgradnju postrojenja za pripremu sirove i tretman pitke vode za potrebe centralnog vodovodnog sistema Lukavac planirano na zemljištu označenom kao k.č. broj: 39, 40, 41, 42, 43 i 1303/1 K.O. Bokavići, grad Lukavac a u postupku pribavljanja urbanističke saglasnosti.

Uz zahtjev nije dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih te je dopisom broj: UP-1/21-1-40-188-2/24 od 15.04.2024. godine zatraženo od podnosioca zahtjeva da istu dopuni što je i urađeno u ostavljenom roku. Uvidom u naknadno dostavljenu dokumentaciju utvrđeni su određeni nedostaci u priloženoj Studiji za izdavanje prethodne vodne saglasnosti za postrojenje za pripremu sirove i tretman pitke vode za potrebe centralnog vodovodnog sistema Lukavac urađenoj od strane JP «SPREČA» d.d. Tuzla, februar 2024. godine te je dopisom broj: UP-1/21-1-40-188-4/24 od 08.05.2024. godine zatraženo da se ista koriguje/dopuni što je i urađeno u ostavljenom roku.

U provedenom postupku, uz zahtjev za izdavanje prethodne vodne saglasnosti dostavljena je i pregledana sljedeća dokumentacija:

- Ovjerena kopija Uvjerenja o registraciji poreznog obveznika izdatog dana 04.08.2022. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Odluke o organizaciji i djelokrugu općinskih službi za upravu i drugih službi Jedinstvenog općinskog organa uprave Općine Lukavac broj: 01-02-153/22 od 02.02.2022. godine,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-10375/22 izdatog dana 04.08.2022. godine od strane Službe za statistiku za područje Tuzlanskog kantona,
- Kopija Odluke o zonama sanitarne zaštite i zaštitnim mjerama izvorišta-bunara pitke vode lokalitet Bokavići i Modrac, Grad Lukavac broj: 01-02-4986/23 od 06.02.2024. godine,
- Uvjerenje broj: 05-19-870/24-1 od 22.05.2024. godine izdato od strane Službe za urbanizaciju, imovinske i geodetske poslove Grad Lukavac (prilog: Izvod iz Prostornog plana Tuzlanskog kantona i Prostornog plana Općine Lukavac),
- Kopija Načelne saglasnosti broj: 05-02-679/24 za priključak planiranog objekta postrojenja na postojeći distributivni cjevovod sa kojim se napajaju objekti u naselju Bokavići izdate dana 16.02.2024. godine od strane JP «RAD» d.o.o. Lukavac,
- Kopija Mišljenja sa izvodom iz planskog dokumenta broj: 01/1-212/24 izdatog dana 27.02.2024. godine od strane Službe za privredu, urbanizam i zaštitu okoline Općina Kakanj,
- Kopija Posjedovnog lista broj 179 za parcele označene kao k.č. broj 39, 40, 41, 42, 43 i 1303/1 K.O. Bokavići izdatog dana 18.03.2024. godine od strane Službe za urbanizaciju, imovinske i geodetske poslove Grad Lukavac,
- Kopija katastarskog plana izdatog dana 18.03.2024. godine od strane Službe za urbanizaciju, imovinske i geodetske poslove Grad Lukavac,

- Studija za izdavanje prethodne vodne saglasnosti za postrojenje za pripremu sirove i tretman pitke vode za potrebe centralnog vodovodnog sistema Lukavac (dopuna) urađena od strane JP «SPREČA» d.d. Tuzla (broj: 051-01-1-2205-3/22, juni 2024. godine),
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 14.06.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 14., 15. i 16.06.2024. godine u dnevnom glasilu «OSLOBODENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je:

Predmetno postrojenje za pripremu sirove i tretman pitke vode planira se graditi u blizini postojeće Filter stanice firme «GIKIL» u MZ Modrac na parcelama označenim kao k.č. broj: 39, 40, 41, 42, 43 i 1303/1 K.O. Bokavići, grad Lukavac.

Prema dopisu/odgovoru broj: 10-542-2/22 dostavljenom dana 28.04.2022. godine od strane Sektora za upravljanje vodama Agencije (Sektor 10) a na traženje Službe za investicije i razvoj Grada Lukavac, konstatovano je da se parcele označene kao k.č. broj: 39, 40, 41, 42, 43 K.O. Bokavići, grad Lukavac na kojima je planirana izgradnja predmetnog postrojenja nalaze u cjelosti unutar linije dopiranja velikih voda rijeke Spreče ranga pojave 1/100 godina te za iste važe zabrane koje su propisane članom 96. stav (1) tačka 16. Zakona o vodama.

S tim u vezi, a prema Studiji priloženoj uz zahtjev, u okviru prethodnog preduzimanja zaštitnih mjera kojima se onemogućuju ili smanjuju štetne posljedice od voda kao prethodna mjera je navedeno «podizanje» lokacije postrojenja iznad kote visokih voda ($H_{1/100}=186.25$ m.n.m.) uz navod da je na predmetnom lokalitetu planirano uređenje obala i korita rijeke Spreče (nizvodno od akumulacije Modrac do ušća rijeke Jale u Spreču) prema Glavnom projektu uređenja korita rijeke Spreče od ušća Jale do granice zemljišta JP Spreča krug brane jezera Modrac, općina Lukavac urađenom od strane projektne kuće «IBIS» d.o.o. Zavidovići (broj: 43-IB-G/16, septembar 2016. godine) te da je u toku ishodovanje potrebnih dozvola za realizaciju ovog projekta. Realizacijom projekta uređenja obala i korita rijeke Spreče na predmetnoj dionici steći će se uslovi za planiranje i izgradnju postrojenja za pripremu sirove i tretman pitke vode za potrebe centralnog vodovodnog sistema Lukavac.

Prema Odluci o zonama sanitarne zaštite i zaštitnim mjerama izvorišta-bunara pitke vode lokalitet Bokavići i Modrac, Grad Lukavac (broj: 01-02-4986/23 od 06.02.2024. godine) predmetni lokalitet se nalazi u obuhvatu II zaštitne zone izvorišta-bunara pitke vode lokalitet Bokavići i Modrac, grad Lukavac (prema odredbama Odluke u ovoj zoni moguće je graditi predmetni objekat za tretman pitke vode).

Planirano je da se na postrojenju tretira voda u količini od 120 l/s dovedena iz akumulacije Modrac (75 l/s), iz tri bunara u MZ Bokavići (15 l/s) i sa zajedničkog regionalnog sistema za Tuzlu (izvorište Toplice - 30 l/s). Zahvaćena voda iz jezera Modrac i iz bunara u MZ Bokavići će se dovesti u sabirni rezervoar sirove vode dok treća linija sa izvorišta Toplice ide direktno u rezervoar prerađene vode jer je ista tretirana u Postrojenju za tretman vode kojim raspolaže JP ViK d.o.o. Tuzla (sufinansiranjem izgradnje zajedničkog regionalnog sistema za Tuzlu, Grad Lukavac je stekao pravo na vodu u količini od 30 l/s sa izvorišta Toplice).

Prikupljene tehnološke otpadne vode nastale u postupku pranja filtera, odmuljivanjem taložnika i u postupku remonta postrojenja će se odvoditi u tzv muljna polja. Ugušćeni mulj će se zbrinjavati u određenim ciklusima od strane ovlaštenog preduzeća a višak vode će se preko okna za monitoring, zajedno sa prečišćenim otpadnim vodama sa platoa postrojenja nakon tretmana u separatoru ulja i masti, ispuštati u rijeku Spreču.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva - Grad Lukavac, su ovim vodnim aktom u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je dužan ispuniti prilikom izrade projektne dokumentacije potrebne u postupku pribavljanja vodne saglasnosti i odobrenja za građenje. Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Na osnovu prednjeg i provedenog postupka, a shodno odredbama člana 111. Zakona o vodama, člana 5. i člana 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata, doneseno je rješenje kao u dispozitivu.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Nermina Hodžić, dipl.ing.građ.

Po ovlaštenju
Rukovodilac sektora za izdavanje
vodnih akata



[Signature]
Haris Aljehović, dipl.ing.građ.

Dostaviti:

- Grad Lukavac
Trg slobode br 1, 75300 Lukavac
- Ministarstvo poljoprivrede, šumarstva i vodoprivrede Tuzlanskog kantona
ul Muftije ef. Kurta br 1, 75000 Tuzla
- ⊙ AVP Sava, ISV-vodna knjiga
 - Sektor 40 – arhiva
 - Oglasna ploča AVP Sava